

四庫全書

史部

欽定四庫全書

史部

史記集解卷六十一至六十九

詳校官侍讀學士臣陸伯煥

洗馬臣王坦修覆勘

總校官檢討臣何思鈞

校對官待詔臣胡士震

謄錄監生臣高鏞

欽定四庫全書

史記集解卷六十一

史記六十一

伯夷列傳第一

夫學者載籍極博猶考信于六藝詩書雖缺然虞夏之
史可知也堯將遜位讓于虞舜舜禹之間岳牧咸薦乃
試之于位典職數十年功用既興然後授政示天下重

宋 裴駰 撰

器王者大統傳天下若斯之難也而說者曰堯讓天下于許由許由不受恥之逃隱及夏之時有卞隨務光者此何以稱焉太史公曰余登箕山其上蓋有許由冢云孔子序列古之仁聖賢人如吳太伯伯夷之倫詳矣余以所聞由光義至高其文辭不少概見何哉孔子曰伯夷叔齊不念舊惡怨是用希求仁得仁又何怨乎余悲伯夷之意睹軼詩可異焉其傳曰伯夷叔齊孤竹君之二子也父欲立叔齊及父卒叔齊讓伯夷伯夷曰父命也

遂逃去叔齊亦不肯立而逃之國人立其中子于是伯夷
叔齊聞西伯昌善養老盍往歸焉及至西伯卒武王載木
主號為文王東伐紂伯夷叔齊叩馬而諫曰父死不葬爰
及干戈可謂孝乎以臣弑君可謂仁乎左右欲兵之太公
曰此義人也扶而去之武王已平殷亂天下宗周而伯夷
叔齊恥之義不食周粟隱于首陽山采薇而食之及餓且
死作歌其辭曰登彼西山兮采其薇矣以暴易暴兮不知
其非矣神農虞夏忽焉沒兮我安適歸矣于嗟徂兮命之

哀矣遂餓死于首陽山由此觀之怨耶非耶或曰天道無親常與善人若伯夷叔齊可謂善人者非耶積仁累行如此而餓死且七十子之徒仲尼獨薦顏淵為好學然回也屢空糟糠不厭而卒蚤夭天之報施善人其何如哉盜跖日殺不辜肝人之肉暴戾恣睢聚黨數千人橫行天下竟以壽終是遵何德哉此其尤大彰明較著者也若至近世操行不軌專犯忌諱而終身逸樂富厚累世不絕或擇地而蹈之時然後出言行不由徑非公正不發憤而遇禍災

者不可稱數也余甚惑焉儻所謂天道是邪非邪子曰

道不同不相為謀亦各從其志也故曰富貴如可求雖

執鞭之士吾亦為之

鄭玄曰富貴不可求而得之當修德以得之若于道可求而得之者

雖執鞭賤職我亦為之

如不可求從吾所好

孔安國曰所好者古人之道

歲寒

然後知松柏之後凋

何晏曰大寒之歲衆木皆死然後松柏少凋傷平歲衆木亦有不死

者故須歲寒然後別之喻凡人處治世亦能自修整與君子同在濁世然後知君子之正不苟容也

舉世

混濁清士乃見豈以其重若彼其輕若此哉君子疾沒

世而名不稱焉賈子曰貪夫徇財烈士徇名夸者死權

衆庶馮生同明相照同類相求雲從龍風從虎

王肅曰龍舉而

景雲屬虎嘯而谷風興張蟠曰猶言雲從龍風從虎也

聖人作而萬物覩

馬融曰作起也

伯夷叔齊雖賢得夫子而名益彰顏淵雖篤學附驥尾而行益顯巖穴之士趨舍有時若此類名埋滅而不稱悲夫閭巷之人欲砥行立名者非附青雲之士惡能施于後世哉

史記集解卷六十一

欽定四庫全書

史記集解卷六十二

宋 裴駰 撰

史記六十二

管晏列傳第二

管仲夷吾者潁上人也少時常與鮑叔牙游鮑叔知其賢
管仲貧困常欺鮑叔鮑叔終善遇之不以為言已而鮑叔
事齊公子小白管仲事公子糾及小白立為桓公公糾糾

死管仲囚焉鮑叔遂進管仲管仲既用任政于齊齊桓公以霸九合諸侯一匡天下管仲之謀也管仲曰吾始困時嘗與鮑叔賈分財利多自與鮑叔不以我為貪知我貧也吾嘗為鮑叔謀事而更窮困鮑叔不以我為愚知時有利不利也吾嘗三仕三見逐于君鮑叔不以我為不肖知我不遭時也吾嘗三戰三走鮑叔不以我為怯知我有老母也公子糾敗召忽死之吾幽囚受辱鮑叔不以我為無恥知我不羞小節而恥功名不顯于天下也生我者父母知我者

鮑子也鮑叔既進管仲以身下之子孫世祿于齊有封邑者十餘世常為名大夫天下不多管仲之賢而多鮑叔能知人也管仲既任政相齊以區區之齊在海濱通貨積財富國強兵與俗同好惡故其稱曰倉廩實而知禮節衣食足而知榮辱上服度則六親固四維不張國乃滅亡下令如流水之原令順民心故論卑而易行俗之所欲因而予之俗之所否因而去之其為政也善因禍而為福轉敗而為功貴輕重慎權衡桓公實怒少姬南襲蔡管

仲因而伐楚責包茅不入貢于周室桓公實北征山戎管仲因而令燕修召公之政于柯之會桓公欲背曹沫之約管仲因而信之諸侯由是歸齊故曰知與之為取政之寶也管仲富擬于公室有三歸反玷齊人不以為侈管仲卒齊國遵其政常彊于諸侯後百餘年而有晏子焉

晏平仲嬰者萊之夷維人也

劉向別錄曰萊者今東萊地也

事齊靈公

莊公景公以節儉力行重于齊既相齊食不重肉妾不衣帛其在朝君語及之即危言語不及之即危行國有

道即順命無道即衡命以此三世顯名于諸侯越石父
賢在縲紲中晏子出遭之塗解左轡贖之載歸弗謝入
閨久之越石父請絕晏子懼然攝衣冠謝曰嬰雖不仁免
子于厄何子求絕之速也石父曰不然吾聞君子詘于
不知已而信于知己者方吾在縲紲中彼不知我也夫
子既已感寤而贖我是知已知已而無禮固不如在縲
紲之中晏子于是延入為上客晏子為齊相出其御之
妻從門間而闕其夫其夫為相御擁大蓋策駟馬意氣

揚揚甚自得也既而歸其妻請去夫問其故妻曰晏子
長不滿六尺身相齊國名顯諸侯今者妾觀其出志念
深矣常有以自下者今子長八尺乃為人僕御然子之
意自以為足妾是以求去也

皇覽曰晏子冢在臨菑城南淄水南桓公冢西北

其後夫自抑損晏子怪而問之御以實對晏子薦以為
大夫

太史公曰吾讀管氏牧民山高乘馬輕重九府

劉向別錄曰九

府書民間無有
山高一名形勢

及晏子春秋詳哉其言之也既見其著

書欲觀其行事故次其傳至其書世多有之是以不論
論其軼事管仲世所謂賢臣然孔子小之豈以為周道
衰微桓公既賢而不勉之至王乃稱霸哉語曰將順其
美匡救其惡故上下能相親也豈管仲之謂乎方晏子
伏莊公尸哭之成禮然後去豈所謂見義不為無勇者
邪至其諫說犯君之顏此所謂進思盡忠退思補過者
哉假令晏子而在余雖為之執鞭所忻慕焉

史記集解卷六十二

欽定四庫全書

史記集解卷六十三

宋 裴駰 撰

史記六十三

老子韓非列傳第三

老子者楚苦縣厲鄉曲仁里人也

地理志曰苦縣屬陳國

姓李氏名

耳字伯陽諡曰聃周守藏室之史也孔子適周將問禮于

老子老子曰子所言者其人與骨皆已朽矣獨其言在耳且

君子得其時則駕不得其時則蓬累而行吾聞之良賈深藏若虛君子盛德容貌若愚去子之驕氣與多欲態色與淫志是皆無益于子之身吾所以告子若是而已孔子去謂弟子曰鳥吾知其能飛魚吾知其能游獸吾知其能走走者可以為罔游者可以為綸飛者可以為矰至于龍吾不能知其乘風雲而上天吾今日見老子其猶龍邪老子修道德其學以自隱無名為務居周久之見周之衰迺遂去至闕關令尹喜曰子將隱矣強為我著書于是老子迺著書上下篇言

道德之意五千餘言而去莫知其所終

列仙傳曰關令尹喜者周大夫也善內學星宿服精華隱

德行仁時人莫知老子西游喜先見其氣知真人當過候物色而迹之果得老子老子亦知其奇為著書與老子俱之流沙之西服巨勝

實莫知其所終亦著

書九篇名關令子或曰老萊子亦楚人也著書十五篇言道

家之用與孔子同時云蓋老子百有六十餘歲或言二百

餘歲以其修道而養壽也自孔子死之後百二十有九年

徐廣曰實百一十九年而史記周太史儋見秦獻公曰始秦與周合而

離離五百歲而復合合七十餘歲而霸王者出焉或曰儋

即老子或曰非也世莫知其然否老子隱君子也老子之

子名宗宗為魏將封于段干

此云封于段干段干應是魏邑名也而魏世家有段干木段干子田完世

家有段干朋疑此三人是姓段干也本蓋因邑為姓左傳所謂邑亦如之是也風俗通氏姓注云姓段名干木恐或失之矣天下自別有段姓何必段干木邪

宗子注注子官宮玄孫假假仕于濮

孝文帝而假之子解為膠西王卬太傅因家于齊焉世之

學老子者則絀儒學儒學亦絀老子道不同不相為謀豈謂是邪李耳無為自化清靜自正

莊子者蒙人也

地理志曰蒙縣屬梁國

名周周嘗為蒙漆園吏與

梁惠王齊宣王同時其學無所不闕然其要本歸于老

子之言故其著書十餘萬言大抵率寓言也作漁父盜跖胠篋以詆訛孔子之徒以明老子之術畏累虛亢桑子之屬皆空語無事實然善屬書離辭指事類情用剗剗儒墨雖當世宿學不能自解免也其言洸洋自恣以適己故自王公大人不能器之楚威王聞莊周賢使使厚幣迎之許以為相莊周笑謂楚使者曰千金重利卿相尊位也子獨不見郊祭之犧牛乎養食之數歲衣以文繡以入太廟當是之時雖欲為孤豚豈可得乎子

亟去無污我我寧遊戲污瀆之中自快無為有國者所
羈終身不仕以快吾志焉

申不害者京人也故鄭之賤臣學術以干韓昭侯昭侯
用為相內修政教外應諸侯十五年終申子之身國治
兵強無侵韓者申子之學本于黃老而主刑名著書二

篇號曰申子

劉向別錄曰今民間所有上下二篇中
書六篇皆合二篇已備過太史公所記

韓非者韓之諸公子也喜刑名法術之學

新序曰申子
之書言人主

當執術無刑因循以督責臣下其責深刻故號曰術商
鞅所為書號曰法皆曰刑名故號曰刑名法術之書

而其歸本于黃老非為人口吃不能道說而善著書與
李斯俱事荀卿斯自以為不如非非見韓之削弱數以
書諫韓王韓王不能用于是韓非疾治國不務修明其
法制執勢以御其臣下富國強兵而以求人任賢反舉
浮淫之蠹而加之于功實之上以為儒者用文亂法而
俠者以武犯禁寬則寵名譽之人急則用介冑之士今
者所養非所用所用非所養悲廉直不容于邪枉之臣
觀往者得失之變故作孤憤五蠹內外儲說林說難十

餘萬言然韓非知說之難為說難書甚具終死于秦不能自脫說難曰凡說之難非吾知之有以說之難也又非吾辯之難能明吾意之難也又非吾敢橫失能盡之難也凡說之難在知所說之心可以吾說當之所說出子為名高者也而說之以厚利則見下節而遇卑賤必棄遠矣所說出于厚利者也而說之以名高則見無心而遠事情必不收矣所說實為厚利而顯為名高者也而說之以名高則陽收其身而實疏之若說之以厚利

則陰用其言而顯棄其身此之不可不知也夫事以密
成而以泄敗未必其身泄之也而語及其所匿之事如
是者身危貴人有過端而說者明言善議以推其惡者
則身危周澤未渥也而語極知說行而有功則德亡說
不行而有敗則見疑如是者身危夫貴人得計而欲自
以為功說者與知焉則身危彼顯有所出事迺自以為
也故說者與知焉則身危強之以其所必不為止之以
其所不能已者身危故曰與之論大人則以為間已與

之論細人則以為鬻權論其所愛則以為借資論其所憎則以為嘗已徑省其辭則不知而屈之汎濫博文則多而久之順事陳意則曰怯懦而不盡慮事廣肆則曰草野而倨侮此說之難不可不知也凡說之務在知節所說之所敬而滅其所醜彼自知其計則無以其失窮之自勇其斷則無以其敵怒之自多其力則無以其難槩之規異事與同計譽異人與同行者則以節之無傷也有與同失者則明飾其無失也大忠無所拂辭悟言

無所擊排迺後申其辯知焉此所以親近不疑知盡之

難也

徐廣曰知一作得難一作辭

得曠日彌久而周澤既渥深計而

不疑交爭而不罪迺明計利害以致其功直指是非以飾其身以此相持此說之成也伊尹為庖百里奚為虜皆所由于其上也故此二子者皆聖人也猶不能無後身而涉世如此其汙也則非能仕之所設也宋有富人天雨墻壞其子曰不築且有盜其鄰人之父亦云暮而果大亡其財其家甚知其子而疑隣人之父昔者鄭武

公欲伐胡乃以其子妻之因問羣臣曰吾欲用兵誰可
伐者關其思曰胡可伐迺戮關其思曰胡兄弟之國也
子言伐之何也胡君聞之以鄭為親已而不備鄭鄭人
襲胡取之此二說者其知皆當矣然而甚者為戮薄者
見疑非知之難也處知則難矣昔者彌子瑕見愛于衛
君衛國之法竊駕君車者罪至刑既而彌子之母病人
聞往夜告之彌子矯駕君車而出君聞之而賢之曰孝
哉為母之故而犯刑罪與君游果園彌子食桃而甘不

盡而奉君君曰愛我哉忘其口而念我及彌子色衰而
愛弛得罪于君君曰是嘗矯駕吾車又嘗食我以其餘
桃故彌子之行未變于初也前見賢而後獲罪者愛憎
之至變也故有愛于主則知當而加親見憎于主則罪
當而加疏故諫說之士不可不察愛憎之主而後說之
矣夫龍之為蟲也可擾狎而騎也然其喉下有逆鱗徑
尺人有嬰之則必殺人人主亦有逆鱗說之者能無嬰
人主之逆鱗則幾矣人或傳其書至秦秦王見孤憤五

蠹之書曰嗟乎寡人得見此人與之游死不恨矣李斯
曰此韓非之所著書也秦因急攻韓韓王始不用非及
急乃遣非使秦王悅之未信用李斯姚賈害之毀之
曰韓非韓之諸公子也今王欲并諸侯非終為韓不為
秦此人之情也今王不用久留而歸之此自遺患也不
如以過法誅之秦王以為然下吏治非李斯使人遺非
藥使自殺韓非欲自陳不得見秦王後悔之使人赦之
非已死矣

戰國策曰秦王封姚賈千戶以為上卿韓非
短之曰賈梁監門子盜于梁臣于趙而逐取

世監門子梁大盜趙逐臣與同社稷之計非所以申子
勵羣臣也王召賈問之賈答云云迺誅韓非也

韓子皆著書傳于後世學者多有余獨悲韓子為說難
而不能自脫耳

太史公曰老子所貴道虛無因應變化于無為故著書

辭稱微妙難識莊子散道德放論要亦歸之自然申子

卑卑

自勉勵之意也

施之于名實韓子引繩墨切事情明是非

其極慘礪

胡革反用法慘急而鞠礪深刻

少恩皆原于道德之意而老

子深遠矣

史記集解卷六十三

欽定四庫全書

史記集解卷六十四

宋 裴駰 撰

史記六十四

司馬穰苴列傳第四

司馬穰苴者田完之苗裔也齊景公時晉伐阿甄而燕侵河
上齊師敗績景公患之晏嬰乃薦田穰苴曰穰苴雖田氏庶
孽然其人文能附衆武能威敵願君試之景公召穰苴與語

兵事大說之以為將軍將兵扞燕晉之師穰苴曰臣素卑賤
君擢之閭伍之中加之大夫之上士卒未附百姓不信人微權
輕願得君之寵臣國之所尊以監軍乃可于是景公許之使
莊賈往穰苴既辭與莊賈約曰旦日日中會于軍門穰苴
先馳至軍立表下漏待賈賈素驕貴以為將已之軍而已為
監不甚急親戚左右送之留飲日中而賈不至穰苴則仆表
決漏入行軍勒兵申明約束約束既定夕時莊賈乃至穰苴曰
何後期為賈謝曰不佞大夫親戚送之故留穰苴曰將受命

之日則忘其家臨軍約束則忘其親援枹鼓之急則忘其身
今敵國深侵邦內騷動士卒暴露于境君寢不安席食不甘
味百姓之命皆懸於君何謂相送乎召軍正問曰軍法期而
後至者云何對曰當斬莊賈懼使人馳報景公請救既往未
及反于是遂斬莊賈以徇三軍三軍之士皆振慄久之景公
遣使者持節赦賈馳入軍中穰苴曰將在軍君令有所不受
問軍正曰軍中不馳今使者馳云何軍正曰當斬使者大
懼穰苴曰君之使不可殺之乃斬其僕車之左駟馬之左驂

以徇三軍遣使者還報然後行士卒次舍井竈飲食問疾醫藥身自拊循之悉取將軍之資糧享士卒身與士卒平分糧食最比其羸弱者三日而後勒兵病者皆求行爭奮出為之赴戰晉師聞之為罷去燕師聞之度水而解于是追擊之遂取所亡封內故境而引兵歸未至國釋兵旅解約束誓盟而後入邑景公與諸大夫郊迎勞師成禮然後反歸寢既見穰苴尊為大司馬田氏日益尊于齊已而大夫鮑氏高國之屬害之譖于景公景

公退穰苴苴發疾而死田乞田豹之徒由此怨高國等
其後及田常殺簡公盡滅高子國子之族至常曾孫和
因自立為齊威王用兵行威大放穰苴之法而諸侯朝
齊齊威王使大夫追論古者司馬兵法而附穰苴于其
中因號曰司馬穰苴兵法

太史公曰余讀司馬兵法閎廓深遠雖三代征伐未能
竟其義如其文也亦少褻矣若夫穰苴區區為小國行
師何暇及司馬兵法之揖讓乎世既多司馬兵法以故

不論著穰苴之列傳焉

史記集解卷六十四

欽定四庫全書

史記集解卷六十五

宋 裴駟 撰

史記六十五

孫子吳起列傳第五

孫子武者齊人也以兵法見於吳王闔廬闔廬曰子之
十三篇吾盡觀之矣可以小試勒兵乎對曰可闔廬曰
可試以婦人乎曰可於是許之出宮中美人得百八十

人孫子分為二隊以王之寵姬二人各為隊長皆令持
戟令之曰汝知而心與左右手背乎婦人曰知之孫子
曰前則視心左視左手右視右手後即視背婦人曰諾
約束既布乃設鈇鉞即三令五申之於是鼓之右婦人
大笑孫子曰約束不明申令不熟將之罪也復三令五
申而鼓之左婦人復大笑孫子曰約束不明申令不熟
將之罪也既已明而不如法者吏士之罪也乃欲斬左
右隊長吳王從臺上觀見且斬愛姬大駭趣使使下令

曰寡人已知將軍能用兵矣寡人非此二姬食不甘味願勿斬也孫子曰臣既已受命為將將在軍君命有所不受遂斬隊長二人以徇用其次為隊長於是復鼓之婦人左右前後跪起皆中規矩繩墨無敢出聲于是孫子使使報王曰兵既整齊王可試下觀之惟王所欲用之雖赴水火猶可也吳王曰將軍罷休就舍寡人不願下觀孫子曰王徒好其言不能用其實于是闔廬知孫子能用兵卒以為將西破彊楚入郢北威齊晉顯名諸侯孫子與有力焉孫武既死後百餘歲有孫臆臆生阿鄆

之間臚亦孫武之後世子孫也孫臚嘗與龐涓俱學兵法龐涓既事魏得為惠王將軍而自以為能不及孫臚乃陰使召孫臚臚至龐涓恐其賢于己疾之則以法刑斷其兩足而黥之欲隱勿見齊使者如梁孫臚以刑徒陰見說齊使齊使以為奇竊載與之齊齊將田忌善而客待之忌數與齊諸公子馳逐重射孫子見其馬足不甚相遠馬有上中下輩于是孫子謂田忌曰君弟重射臣能令君勝田忌信然之與王及諸公子逐射千金及臨質孫子曰今以君之下

馬與彼上馬取君上馬與彼中馬取君中馬與彼下馬
既馳三輩畢而田忌一不勝而再勝卒得王千金于是
忌進孫子于威王威王問兵法遂以為師其後魏伐趙
趙急請救于齊齊威王欲將孫臏臏辭謝曰刑餘之人
不可于是乃以田忌為將而孫子為師居輜車中坐為
計謀田忌欲引兵之趙孫子曰夫解雜亂紛糾者不控捲
救關者不搏撾批亢擣虛形格勢禁則自為解耳今梁
趙相攻輕兵銳卒必竭于外老弱罷于內君不若引兵

疾走大梁據其街路衝其方虛彼必釋趙而自救是我
一舉解趙之圍而收弊于魏也田忌從之魏果去邯鄲
與齊戰于桂陵大破梁軍後十五年魏與趙攻韓韓告
急于齊齊使田忌將而往直走大梁魏將龐涓聞之去
韓而歸齊軍既已過而西矣孫子謂田忌曰彼三晉之
兵素悍勇而輕齊齊號為怯善戰者因其勢而利導之
兵法百里而趣利者蹶上將

魏武帝曰
蹶猶挫也

五十里而趣利

者軍半至使齊軍入魏地為十萬竈明日為五萬竈又

明日為三萬竈龐涓行三日大喜曰我固知齊軍怯入
吾地三日士卒亡者過半矣乃棄其步軍與其輕銳倍
日并行逐之孫子度其行暮當至馬陵馬陵道狹而旁
多阻隘可伏兵乃斫大樹白而書之曰龐涓死于此樹
之下于是令齊軍善射者萬弩夾道而伏期日暮見火
舉而俱發龐涓果夜至斫木下見白書乃鑽火燭之讀
其書未畢齊軍萬弩俱發魏軍大亂相失龐涓自知智
窮兵敗乃自剄曰遂成豎子之名齊因乘勝盡破其軍

虜魏太子申以歸孫臏以此名顯天下世傳其兵法

吳起者衛人也好用兵嘗學于曾子事魯君齊人攻魯魯欲將吳起吳起取齊女為妻而魯疑之吳起于是欲就名遂殺其妻以明不與齊也魯卒以為將將而攻齊大破之魯人或惡吳起曰起之為人猜忍人也其少時家累千金游仕不遂遂破其家鄉黨笑之吳起殺其謗己者三十餘人而東出衛郭門與其母訣齧臂而盟曰起不為卿相不復入衛遂事曾子居頃之其母死起終

不歸曾子薄之而與起絕起乃之魯學兵法以事魯君
魯君疑之起殺妻以求將夫魯小國而有戰勝之名則
諸侯圖魯矣且魯衛兄弟之國也而君用起則是棄衛
魯君疑之謝吳起吳起于是聞魏文侯賢欲事之文侯
問李克曰吳起何如人哉李克曰起貪而好色然用兵
司馬穰苴不能過也于是魏文侯以為將擊秦拔五城
起之為將與士卒最下者同衣食卧不設席行不乘騎親
裹贏糧與士卒分勞苦卒有病疽者起為吮之卒母聞

而哭之人曰子卒也而將軍自吮其疽何哭為母曰非然也往年吳公吮其父其父戰不旋踵遂死于敵吳公今又吮其子妾不知其死所矣是以哭之文侯以吳起善用兵廉平盡能得士心乃以為西河守以拒秦韓魏文侯既卒起事其子武侯武侯浮西河而下中流顧而謂吳起曰美哉乎山河之固此魏國之寶也起對曰在德不在險昔三苗氏左洞庭右彭蠡德義不修禹滅之夏桀之居左河濟右泰華伊闕在其南羊腸在其北

璜曰

今河南城為直之皇甫謐曰壺關有
羊腸阪在太原晉陽西北九十里
修政不仁湯放之殷

紂之國左孟門右太行常山在其北大河經其南修政

不德武王殺之由此觀之在德不在險若君不修德舟

中之人盡為敵國也

楊子法言曰美哉言乎使起之
用兵每若斯則太公何以加諸武

侯曰善即封吳起為西河守甚有聲名魏置相相田文

吳起不悅謂田文曰請與子論功可乎田文曰可起曰

將三軍使士卒樂死敵國不敢謀子孰與起文曰不如

子起曰治百官親萬民實府庫子孰與起文曰不如子

起曰守西河而秦兵不敢東鄉韓趙賓從子孰與起文
曰不如子起曰此子三者皆出吾下而位加吾上何也
文曰主少國疑大臣未附百姓不信方是之時屬之於
子乎屬之於我乎起默然良久曰屬之子矣文曰此乃
吾所以居子之上也吳起乃自知弗如田文田文既死
公叔為相尚魏公主而害吳起公叔之僕曰起易去也
公叔曰奈何其僕曰吳起為人節廉而自喜名也君因
先與武侯言曰夫吳起賢人也而侯之國小又與強秦

壤界臣竊恐起之無留心也武侯即曰奈何君因謂武侯曰試延以公主起有留心則必受之無留心則必辭矣以此卜之君因召吳起而與歸即令公主怒而輕君吳起見公主之賤君也則必辭于是吳起見公主之賤魏相果辭魏武侯疑之而弗信也吳起懼得罪遂去即之楚楚悼王素聞起賢至則相楚明法審令捐不急之官廢公族疏遠者以撫養戰鬪之士要在強兵破馳說之言從橫者于是南平百越北并陳蔡却三晉西

伐秦諸侯患楚之強故楚之貴戚盡欲害吳起及悼王死
宗室大臣作亂而攻吳起吳起走之王尸而伏之擊起
之徒因射刺吳起并中悼王悼王既葬太子立乃使令
尹盡誅射吳起而并中王尸者坐射起而夷宗死者七
十餘家

太史公曰世俗所稱師旅皆道孫子十三篇吳起兵法
世多有故弗論論其行事所施設者語曰能行之者未
必能言能言之者未必能行孫子籌策龐涓明矣然不

能蚤救患于被刑吳起說武侯以形勢不如德然行之
於楚以刻暴少恩亡其軀悲夫

史記集解卷六十五

欽定四庫全書

史記集解卷六十六

宋 裴駟 撰

史記六十六

伍子胥列傳第六

伍子胥者楚人也名員員父曰伍奢員兄曰伍尚其先曰伍舉以直諫事楚莊王有顯故其後世有名於楚楚平王有太子名曰建使伍奢為太傅費無忌為少傅無忌不忠

于太子建平王使無忌為太子取婦于秦秦女好無忌馳歸
報平王曰秦女絕美王可自取而更為太子取婦平王遂自
取秦女而絕愛幸之生子軫更為太子取婦無忌既以秦女
自媚于平王因去太子而事平王恐一旦平王卒而太子立
殺已乃因讒太子建建母蔡女也無寵于平王平王稍益
疏建使建守城父備邊兵頃之無忌又日夜言太子短于
王曰太子以秦女之故不能無怨望願王少自備也自太子
居城父將兵外交諸侯且欲入為亂矣平王乃召其太傅伍

奢考問之伍奢知無忌讒太子于平王因曰王獨奈何以
讒賊小臣疏骨肉之親乎無忌曰王今不制其事成矣王且見
禽于是平王怒囚伍奢而使城父司馬奮揚往殺太子行未
至奮揚使人先告太子太子急去不然將誅太子建亡奔
宋無忌言于平王曰伍奢有二子皆賢不誅且為楚憂可以
其父質而召之不然且為楚患王使使謂伍奢曰能致汝
二子則生不能則死伍奢曰尚為人仁呼必來員為人剛
戾忍詢火候反能成大事彼見來之并禽其勢必不來王不

聽使人召二子曰來吾生汝父不來今殺奢也伍尚欲往
員曰楚之召我兄弟非欲以生我父也恐有脫者後生患
故以父為質詐召二子二子去則父子俱死何益父之死
往而今讎不得報耳不如奔他國借力以雪父之恥俱滅
無為也伍尚曰我知往終不能全父命然恨父召我以求
生而不往後不能雪恥終為天下笑耳謂員可去矣汝能
報殺父之讎我將歸死尚既就執使者捕伍胥伍胥貫鳥
反弓執矢嚮使者使者不敢進伍胥遂亡聞太子建之在

宋往從之奢聞子胥之亡也曰楚國君臣且苦兵矣伍
尚至楚楚并殺奢與尚也伍胥既至宋宋有華氏之亂
乃與太子建俱奔于鄭鄭人甚善之太子建又適晉晉
頃公曰太子既善鄭鄭信太子太子能為我內應而我
攻其外滅鄭必矣滅鄭而封太子太子乃還鄭事未會
會自私欲殺其從者從者知其謀乃告之於鄭鄭定公
與子產誅殺太子建建有子名勝伍胥懼乃與勝俱奔
吳到昭關昭關欲執之伍胥遂與勝獨身步走幾不得

脫追者在後至江江上有一漁父乘船知伍胥之急乃渡伍胥伍胥既渡解其劍曰此劍直百金以與父父曰

楚國之法得伍胥者賜粟五萬石爵執珪豈徒百金劍

邪不受伍胥未至吳而疾止中道乞食

張勃曰子胥乞食處在丹陽漂

陽縣至于吳吳王僚方用事公子光為將伍胥乃因公子

光以求見吳王久之楚平王以其邊邑鍾離與吳邊邑

卑梁氏俱蠶兩女子爭桑相攻乃大怒至于兩國舉兵

相伐吳使公子光伐楚拔其鍾離居巢而歸伍子胥說

吳王僚曰楚可破也願復遣公子光公子光謂吳王曰
彼伍胥父兄為戮于楚而勸王伐楚者欲以自報其讎
耳伐楚未可破也伍胥知公子光有內志欲殺王而自
立未可說以外事乃進專諸于公子光退而與太子建
之子勝耕于野五年而楚平王卒初平王所奪太子建
秦女生子軫及平王卒軫竟立為昭王吳王僚
因楚喪使二公子將兵往襲楚楚發兵絕吳兵之後不
得歸吳國內空而公子光乃令專諸襲刺吳王僚而自

立是為吳王闔廬闔廬既立得志乃召伍員以為行人而與謀國事楚誅其大臣卻宛伯州犁伯州犁之孫伯

嚭亡奔吳

徐廣曰伯州犁者晉伯宗之子也伯州犁之子曰卻宛卻宛之子曰伯嚭宛亦姓伯又別

氏卻楚世家云殺卻宛宛之宗姓伯氏子曰嚭吳世家云楚誅伯州犁其孫伯嚭奔吳也吳亦以嚭

為大夫前王僚所遣二公子將兵伐楚者道絕不得歸

後聞闔廬弑王僚自立遂以其兵降楚楚封之于舒闔

廬立三年乃興師與伍胥伯嚭伐楚拔舒遂禽故吳反

二將軍因欲至郢將軍孫武曰民勞未可且待之乃歸

四年吳伐楚取六與潛

六古國皋陶之後所封潛縣有天柱山

五年伐越

敗之六年楚昭王使公子囊瓦

案左傳楚公子貞字子囊其孫名瓦字子常此

言公子又兼稱囊瓦誤也

將兵伐吳吳使伍員迎擊大破楚軍于豫

章

豫章在江南

取楚之居巢九年吳王闔廬謂子胥孫武曰

始子言郢未可入今果何如二子對曰楚將囊瓦貪而

唐蔡皆怨之王必欲大伐之必先得唐蔡乃可闔廬聽

之悉興師與唐蔡伐楚與楚夾漢水而陳吳王之弟夫

概將兵請從王不聽遂以其屬五千人擊楚將子常

子常

公孫

子常敗走奔鄭于是吳乘勝而前五戰遂至郢

楚

都

已卯楚昭王出奔庚辰吳王入郢昭王出亡入雲夢

盜擊王王走鄭

音云國名

鄭公弟懷曰平王殺我父我殺其

子不亦可乎鄭公恐其弟殺王與王奔隨吳兵圍隨謂

隨人曰周之子孫在漢川者楚盡滅之隨人欲殺王王

子綦匿王已自為王以當之隨人卜與王于吳不吉乃

謝吳不與王始伍負與申包胥為交負之亡也謂包胥

曰我必覆楚包胥曰我必存之及吳兵入郢伍子胥求

昭王既不得乃掘楚平王墓出其尸鞭之三百然後已
申包胥亡于山中使人謂子胥曰子之報讎其以甚乎
吾聞之人衆者勝天天定亦能破人今子故平王之臣
親北面而事之今至于僇死人此豈其無天道之極乎
伍子胥曰為我謝申包胥曰吾日暮塗遠吾故倒行而
逆施之于是申包胥走秦告急救于秦秦不許包胥
立於秦廷晝夜哭七日七夜不絕其聲秦哀公憐之曰
楚雖無道有臣若是可無存乎乃遣車五百乘救楚擊

吳六月敗吳兵于稷

稷丘地名在郊外

會吳王久留楚求昭王

而闔廬弟夫概乃亡歸自立為王闔廬聞之乃釋楚而

歸擊其弟夫概夫概敗走遂奔楚楚昭王見吳有內亂乃

復入郢封夫概于堂谿

徐廣曰在慎縣騶案地理志汝南有吳房縣應劭曰夫概奔楚

封于堂谿本房子國以封吳故曰吳房然則不得在慎縣也

為堂谿氏楚復與吳戰

敗吳吳王乃歸後二歲闔廬使太子夫差將兵伐楚取

番

普寒反又音婆

楚懼吳復大來乃去郢徙於郢

楚地名音若

當是時

吳以伍子胥孫武之謀西破彊楚北威齊晉南服越人

其後四年孔子相魯後五年伐越越王句踐迎擊敗吳

於姑蘇傷闔廬指軍卻闔廬病創

楚良反

將死謂太子夫

差曰爾忘句踐殺爾父乎夫差對曰不敢忘是夕闔廬

死夫差既立為王以伯嚭為太宰習戰射二年後伐越

敗越于夫湫

音湫

越王句踐乃以餘兵五千人棲于會稽

之上使大夫種厚幣遺吳太宰嚭以請和求委國為臣

妾吳王將許之伍子胥諫曰越王為人能辛苦今王不

滅後必悔之吳王不聽用太宰嚭計與越平其後五年而

吳王聞齊景公死而大臣爭寵新君弱乃興師北伐齊
伍子胥諫曰句踐食不重味弔死問疾且欲有所用之
也此人不死必為吳患今吳之有越猶人之有腹心疾
也而王不先越而乃務齊不亦謬乎吳王不聽伐齊大
敗齊師于艾陵遂滅鄒魯之君以歸益疏子胥之謀其
後四年吳王將北伐齊越王句踐用子貢之謀乃率其
衆以助吳而重寶以獻遺太宰嚭太宰嚭既數受越賂
其愛信越殊甚日夜為言於吳王吳王信用嚭之計伍

子胥諫曰夫越腹心之病今信其浮辭詐偽而貪齊破
齊譬猶石田無所用之且盤庚之誥曰有顛越不恭剿
殄滅之俾無遺育無使易種于茲邑此商之所以興願
王釋齊而先越若不然後將悔之無及而吳王不聽使
子胥于齊子胥臨行謂其子曰吾數諫王王不用吾今
見吳之亡矣汝與吳俱亡無益也乃屬其子于齊鮑牧
而還報吳吳太宰嚭既與子胥有隙因讒曰子胥為人
剛暴少思猜賊其怨望恐為深禍也前日王欲伐齊子

胥以為不可王卒伐之而有大功子胥恥其計謀不用乃反怨望而今王又復伐齊子胥專懷彊諫沮自呂毀反

用事徒幸吳之敗以自勝其計謀耳今王自行悉國中武力以伐齊而子胥諫不用因輟謝詳病不行王不可不備此起禍不難且詬使人微伺之其使于齊也乃屬其子于齊之鮑氏夫為人臣內不得意外倚諸侯自以為先王之謀臣今不見用常鞅鞅怨望願王早圖之吳王曰微子之言吾亦疑之乃使使賜伍子胥屬鏤子錄

反之劍曰子以此死伍子胥仰天歎曰嗟乎讒臣誣為亂矣王乃反誅我我令若父霸自若未立時諸公子爭立我以死爭之於先王幾不得立若既得立欲分吳國予我我顧不敢望也然今若聽諛臣言以殺長者乃告其舍人曰必樹吾墓上以梓令可以為器而抉吾眼縣吳東門之上以觀越寇之入滅吳也乃自剄死吳王聞之大怒乃取子胥尸盛以鴟夷革應劭曰取馬革為浮鳴夷鴟夷槩形之江中

徐廣曰魯哀公十一年

吳人憐之為立祠于江上因命曰胥

山

張晏曰胥山在太湖邊去江不遠百里故云江上

吳王既誅伍子胥遂伐齊

齊鮑氏殺其君悼公而立陽生吳王欲討其賊不勝而

去其後二年吳王召魯衛之君會之橐皋其明年因北

大會諸侯于黃池以令周室越王句踐襲殺吳太子破

吳兵吳王聞之乃歸使使厚幣與越平後九年越王句

踐遂滅吳殺王夫差而誅太宰嚭以不忠于其君而外

受重賂與已比周也伍子胥初所與俱亡故楚太子建

之子勝者在于吳吳王夫差之時楚惠王欲召勝歸楚

葉公諫曰勝好勇而陰求死士殆有私乎惠王不聽遂

召勝使居楚之邊邑鄢

徐廣曰潁川鄢陵是

號為白公

徐廣曰汝南襄信縣

有白亭白公歸楚三年而吳誅子胥白公勝既歸楚怨鄭

之殺其父乃陰養死士求報鄭歸楚五年請伐鄭楚令

尹子西許之兵未發而晉伐鄭鄭請救于楚楚使子西

往救與盟而還白公勝怒曰非鄭之仇乃子西也勝自

礪劍人問曰何以為勝曰欲以殺子西子西聞之笑曰

勝如卵耳何能為也其後四歲白公勝與石乞襲殺楚

令尹子西司馬子綦於朝石乞曰不殺王不可乃劫之

王如高府石乞從者屈固

徐廣曰一作惠王從者屈固楚世家亦云王從者

負

楚惠王亡走昭夫人之宮葉公聞白公為亂率其國人

攻白公白公之徒敗亡走山中自殺而虜石乞而問白

公尸處不言將亨石乞曰事成為卿不成而亨固其職

也終不肯告其尸處遂亨石乞而求惠王復立之

太史公曰怨毒之于人甚矣哉王者尚不能行之於臣

下況同列乎向令伍子胥從奢俱死何異螻蟻棄小義

雪大恥名垂于後世悲夫方子脊窘于江上道乞食志
豈嘗須臾忘郢邪故隱忍就功名非烈丈夫孰能致此
哉白公如不自立為君者其功謀亦不勝道者哉

史記集解卷六十六

欽定四庫全書

史記集解卷六十七

宋 裴駰 撰

史記六十七

仲尼弟子列傳第七

孔子曰受業身通者七十有七人皆異能之士也德行顏淵閔子騫冉伯牛仲弓政事冉有季路言語宰我子貢文學子游子夏師也僻參也魯柴也愚由也喭回

也屢空賜不受命而貨殖焉億則屢中

何晏曰言四庶親于聖道雖數

空匱而樂在其中賜不受教命惟財貨是殖億度是非蓋美回所以勵賜也一曰屢猶每也空猶虛中也以聖人之善道教數子之庶幾猶不至于知道者各有此害也其于庶幾每能虛中者惟回懷道深遠不虛心不能知道子貢無數子之病然亦不知道者雖不窮理而幸中雖非天命而偶當亦所以不虛心也孔子

之所嚴事于周則老子于衛蘧伯玉

大戴禮外寃而內直自設于隱括之

中直已而不直人汲汲于仁以善自終蓋蘧伯玉之行

于齊晏平仲于楚老萊子

于鄭子產

大戴禮君擇臣而使之臣擇君而事之于魯有道順命無道衛命蓋晏平仲之行也

孟公綽數臧文仲柳下惠

大戴禮孝恭慈仁允德闡義納貨去怨蓋柳下惠之行

銅鞮伯華介山子然孔子皆後之不並世

大戴禮曰孔子云國家有

道其言足以興國家無道其默足以容蓋銅鞮伯華之所行觀于四方不忘其親苟思其親不盡其樂蓋介山

子然行也說苑曰孔子歎曰銅鞮伯華無死天下有定矣晉太康地記云銅鞮晉大夫羊舌赤之邑世號赤曰銅鞮伯華

顏回者魯人也字子淵少孔子三十歲顏淵問仁孔子曰

克己復禮天下歸仁焉

馬融曰克己約身也孔安國曰復反也身能反禮則為仁矣

孔子曰賢哉回也一簞食一瓢飲在陋巷人不堪其憂

回也不改其樂

孔安國曰顏回樂道雖簞食在陋巷不改其所樂也

回也如愚退

而省其私亦足以發回也不愚

孔安國曰察其退還與三子說釋道義發明大體

知其用之則行捨之則藏惟我與爾有是夫

孔安國曰言可行則

行可止則止惟我與顏回同也藥聲曰用已而後行不

假隱以自高不屈道以要名時人無知其實者惟我與

爾有是行回年二十九髮盡白蚤死孔子哭之慟曰自吾有

回門人益親

王肅曰顏回為孔子胥附之友能使門人日親孔子

魯哀公問弟子

孰為好學孔子對曰有顏回者好學不遷怒不貳過不

幸短命死矣今也則亡

何晏曰凡人任情喜怒違理顏回任道怒不過分遷者移也怒

當其理不移易也不貳過者有不善未嘗復行

閔損字子騫

鄭玄曰孔子弟子目錄云魯人

少孔子十五歲孔子曰孝哉閔子騫人不間于其父母

昆弟之言

陳羣曰言子騫上事父母下順兄弟動靜盡善故人不得有非問之言

不仕大

夫不食汙君之祿如有復我者

孔安國曰復我者重來召我

必在汶

上矣

孔安國曰去之汶水上欲北如邾

冉耕字伯牛

鄭玄曰魯人

孔子以

為有德行伯牛有惡疾孔子往問之自牖執其手

包氏曰牛

有惡疾不欲見人孔子從牖執其手

曰命也夫斯人也而有斯疾命也夫

包曰再言之者痛之甚也

冉雍字仲弓

鄭玄曰魯人

仲弓問政孔子曰

出門如見大賓使民如承大祭

孔安國曰莫尚乎敬

在邦無怨在

家無怨

包氏曰在邦為諸侯在家為卿大夫

孔子以仲弓為有德行曰雍

也可使南面

包曰可使南面言任諸侯之治

仲弓父賤人孔子曰犁牛

之子騂且角雖欲勿用山川其舍諸

何晏曰犁雜文騂赤色也角者角周

正中犧牲雖欲以其所生犁而不用山川寧肯舍之乎言父雖不善不害于子之美

冉求字子

有

鄭玄曰魯人

少孔子二十九歲為季氏宰季康子問孔子

曰冉求仁乎曰千室之邑百乘之家

孔安國曰千室卿大夫之邑卿大夫

稱家諸侯千乘大夫故曰百乘求也可使治其賦仁則吾不知也

孔安國曰

賦兵賦也仁道至大不可金名也

復問子路仁乎孔子對曰如求求問

曰聞斯行諸

包氏曰賑窮救乏之事也

子曰行之子路問聞斯行諸

子曰有父兄在如之何其聞斯行之

孔安國曰當白父兄不可自專

子

華怪之敢問問同而答異孔子曰求也退故進之由也

兼人故退之

鄭玄曰言冉有性謙退子路務在勝尚人各因其人之失而正之

仲由

字子路卞人也

徐廣曰尸子曰子路卞之野人

少孔子九歲子路性鄙

好勇力志阬直冠雄雞佩玃豚

冠以雄雞佩玃豚二物皆勇子路好勇故冠帶

之陵暴孔子孔子設禮稍誘子路子路後儒服委質因

門人請為弟子子路問政孔子曰先之勞之

孔安國曰先道之以

德使民信之然後勞之易

請益曰無倦

孔安國曰子路嫌其少故請益

曰無倦者行此
上事無倦則可

子路問君子尚勇乎孔子曰義之為上

君子好勇而無義則亂

李充曰既稱君子不職為亂階也若君親失道國家昏亂其于

赴患致命而不知正顧義者則亦陷乎為亂而受不義之責也

小人好勇而無義則盜

子路有聞未之能行唯恐有聞

孔安國曰前所聞未及行故恐復有聞不得並

行孔子曰片言可以折獄者其由也與

孔安國曰片猶偏也聽訟必須

兩辭以定是非偏信一言折獄者惟子路可也

由也好勇過我無所取材

欒肇曰適

用曰材好勇過我
用故云無所取

若由也不得其死然

孔安國曰不得以壽終也

衣

敝緼袍

孔安國曰緼絛著也

與衣狐貉者立而不恥者其由也歟

由也升堂矣未入于室也

馬融曰升我堂矣未入於室耳

季康子問仲

由仁乎孔子曰千乘之國可使治其賦不知其仁子路

喜從游遇長沮桀溺荷篠丈人子路為季氏宰季孫問

曰子路可謂大臣與孔子曰可謂具臣矣

孔安國曰言備臣數而已

子路為蒲大夫辭孔子孔子曰蒲多壯士又難治然吾

語汝恭以敬可以執勇

言恭謹謙敬勇猛不能害故曰執也

寬以正可以

比衆

音鼻言寬大清正衆必歸近之

恭正以靜可以報上初衛靈公有

寵姬曰南子靈公太子蒍賁得過南子懼誅出奔及靈

公卒而夫人欲立公子郢郢不肯曰亡人太子之輒在於是衛立輒為君是為出公出公立十二年其父蕢賸居外不得入子路為衛大夫孔惺之邑宰蕢賸乃與孔惺作亂謀入孔惺家遂與其徒襲攻出公出公奔魯而蕢賸入立是為莊公方孔惺作亂子路在外聞之而馳往遇子羔出衛城門謂子路曰出公去矣而門已閉子可還矣母空受其禍子路曰食其食者不避其難子羔卒去有使者入城城門開子路隨而入造蕢賸蕢賸與

孔悝登臺子路曰君焉用孔悝請得而殺之蕢賸弗聽
於是子路欲燔臺蕢賸懼乃下石乞壺廐攻子路擊斃
子路之纓子路曰君子死而冠不免遂結纓而死孔子
聞衛亂曰嗟乎由死矣已而果死故孔子曰自吾得由
惡言不聞於耳

王肅曰子路為孔侍衛故侮慢之人不敢有惡言是以惡言不聞于孔子耳

是時子貢為魯使于齊宰予字子我

鄭玄曰魯人

利口辯

辭既受業問三年之喪不已久乎君子三年不為禮禮
必壞三年不為樂樂必崩舊穀既沒新穀既升鑽燧改

火期可已矣

馬融曰周書月令有更火之文春取榆柳之火夏取棗杏之火季夏取桑柘之火秋

取柞櫛之火冬取槐檀之火一子曰於女安乎曰安汝

安則為之君子居喪食旨不甘聞樂不樂故弗為也

孔安

國曰旨美也責其無仁于親故言汝安則為之

宰我出子曰予之不仁也子生

三年然後免於父母之懷

馬融曰生未三歲為父母所懷抱也

夫三年之

喪天下之通義也

孔安國曰自天子達于庶人

宰我畫寢子曰朽木

不可雕也

包氏曰朽腐也雕雕琢刻畫

糞土之牆不可圻也

王肅曰圻壞也

二者喻雖施功猶不成也

宰我問五帝之德子曰予非其人也

王肅曰言

不足以明五帝之德也

宰我為臨菑大夫與田常作亂以夷其族

孔子恥之

端木賜衛人字子貢少孔子三十一歲子

貢利口巧辭孔子常黜其辯問曰汝與回也孰愈

孔安國曰

愈猶勝也

對曰賜也何敢望回回也聞一以知十賜也聞一

以知二子貢既已受業問曰賜何人也孔子曰汝器也

孔安國曰言汝器用之人

曰何器也曰瑚璉也

包曰瑚璉泰稷器夏曰瑚殷曰璉周曰簠

簠宗廟之貴器

陳子禽問子貢曰仲尼焉學子貢曰文武之道

未墜於地在人賢者識其大者不賢者識其小者莫不

有文武之道夫子焉不學

孔安國曰文武之道未墜落
于地賢與不賢各有所識夫

子無所
不從學

而亦何常師之有

孔安國曰無所不
從學故無常師

又問曰孔

子適是國必聞其政求之與抑與之與

鄭玄曰怪孔子
所至之邦必與

問國政求而得之邪抑
人君自願與之為治

子貢曰夫子溫良恭儉讓以得

之夫子之求之也其諸異乎人之求之也

鄭玄曰言夫
子行此五德

而得之與人求之
異明人君自與之

子貢問曰富而無驕貧而無謫何如

孔子曰可也

孔安國曰
未足多也

不如貧而樂道富而好禮

鄭玄
曰樂

謂志于道不以
貧為憂苦也

田常欲作亂於齊憚高國鮑晏故移其

兵欲以伐魯孔子聞之謂門弟子曰夫魯墳墓所處父母之國國危如此二三子何為莫出子路請出孔子止之子張子石請行孔子弗許子貢請行孔子許之遂行至齊說田常曰君之伐魯過矣夫魯難伐之國其城薄以卑其地狹以泄其君愚而不仁大臣偽而無用其士民又惡甲兵之事此不可與戰君不如伐吳夫吳城高以厚地廣以深甲堅以新士選以飽重器精兵盡在其中又使明大夫守之此易伐也田常忿然作色曰子之

所難人之所易子之所易入之所難而以教常何也子貢曰臣聞之憂在內者攻強憂在外者攻弱今君憂在內吾聞君三封而三不成者大臣有不聽者也今君破

魯以廣齊戰勝以驕主破國以尊臣

王肅曰鮑晏等帥師若破國則臣尊

矣而君之功不與焉則交日疎于主是君上驕主心下

恣羣臣求以成大事難矣夫上驕則恣臣驕則爭是君上與主有卻下與大臣交爭也如此則君之立于齊危矣故曰不如伐吳伐吳不勝民人外死大臣內空是君

上無彊臣之敵下無民人之過孤主制齊者惟君也田
常曰善雖然吾兵業已加魯矣去而之吳大臣疑我奈
何子貢曰君案兵無伐臣請往使吳王令之救魯而伐
齊君因以兵迎之田常許之使子貢南見吳王說曰臣
聞之王者不絕世霸者無彊敵千鈞之重加銖兩而移
今以萬乘之齊而私千乘之魯與吳爭彊竊為王危之
且夫救魯顯名也伐齊大利也以撫泗上諸侯誅暴齊
以服彊晉利莫大焉名存亡魯實困彊齊智者不疑也

吳王曰善雖然吾嘗與越戰棲之會稽越王苦身養士有報我心子待我伐越而聽子子貢曰越之勁不過魯吳之彊不過齊王置齊而伐越則齊已平魯矣且王方以存亡繼絕為名夫伐小越而畏彊齊非勇也夫勇者不避難仁者不窮約智者不失時王者不絕世以立其義今存越示諸侯以仁救魯伐齊威加晉國諸侯必相率而朝吳霸業成矣且王必惡越臣請東見越王令出兵以從此實空越名從諸侯以伐也吳王大說乃使子

貢之越越王除道郊迎身御至舍而問曰此蠻夷之國
大夫何以儼然辱而臨之子貢曰今者吾說吳王以救
魯伐齊其志欲之而畏越曰待我伐越乃可如此破越
必矣且夫無報人之志而令人疑之拙也有報人之意
使人知之殆也事未發而先聞危也三者舉事之大患
句踐頓首再拜曰孤嘗不料力乃與吳戰困于會稽痛
入于骨髓日夜焦屑乾舌徒欲與吳王接踵而死孤之
願也遂問子貢子貢曰吳王為人猛暴羣臣不堪國家

敝于數戰士卒弗忍百姓怨上大臣內變子胥以諫死
太宰嚭用事順君之過以安其私是殘國之治也今王

誠發士卒佐之以徼

結堯

其志

王肅曰

激射其志

重寶

以說其心

卑辭以尊其禮其伐齊必也彼戰不勝王之福矣戰勝
必以兵臨晉臣請北見晉君令共攻之弱吳必矣其銳
兵盡于齊重甲困于晉而王制其敝此滅吳必矣越王
大說許諾送子貢金百鎰劍一良矛二子貢不受遂行
報吳王曰臣敬以大王之言告越王越王大恐曰孤不

幸少失先人內不自量抵罪于吳軍敗身辱棲于會稽

國為虛

音墟

莽

莫朗友

賴大王之賜使得奉俎豆而修祭祀

死不敢忘何謀之敢慮後五日越使大夫種頓首言于

吳王曰東海役臣孤句踐使者臣種敢修下吏問于左

右今竊聞大王將興大義誅彊救弱困暴齊而撫周室

請悉起境內士卒三千人孤請自被堅執銳以先受矢

石因越賤臣種奉先人藏器甲二十領缺屈盧之矛步

光之劍以賀軍吏吳王大說以告子貢曰越王欲身從

寡人伐齊可乎子貢曰不可夫空人之國悉人之衆又
從其君不義君受其幣許其師而辭其君吳王許諾乃
謝越王于是吳王乃遂發九郡兵伐齊子貢因去之晉
謂晉君曰臣聞之慮不先定不可以應卒兵不先辯不
可以勝敵今夫齊與吳將戰彼戰而不勝越亂之必矣
與齊戰而勝必以其兵臨晉晉君大恐曰為之奈何子
貢曰修兵休卒以待之晉君許諾子貢去而之魯吳王
果與齊人戰于艾陵大破齊師獲七將軍之兵而不歸

果以兵臨晉與晉人相遇黃池之上吳晉爭強晉人擊
之大敗吳師越王聞之涉江襲吳去城七里而軍吳王
聞之去晉而歸與越戰于五湖三戰不勝城門不守越
遂圍王宮殺夫差而戮其相破吳三年東向而霸故子
貢一出存魯亂齊破吳彊晉而霸越子貢一使使勢相
破十年之中五國各有變子貢好廢舉與時轉貨貨廢舉
謂停貯也與時謂逐時也夫物賤則買而喜揚人之美
停貯值貴即逐時轉易貨賣取資利也
不能匿人之過常相魯衛家累千金卒終于齊言偃

吳人字子游少孔子四十五歲子游既已受業為武城

宰孔子過聞弦歌之聲孔子莞爾而笑

何晏曰莞爾小笑貌

曰割

雞焉用牛刀

孔安國曰言治小何須用大道

子游曰昔者偃聞諸夫子

曰君子學道則愛人小人學道則易使

孔安國曰道謂禮樂也樂以和

人人和則易使

孔子曰二三子

孔安國曰從行者

偃之言是也前言戲

之耳

孔安國曰戲以治小而用大

孔子以為子游習于文學

卜商

字子夏

家語云衛人鄭玄曰溫國卜商

少孔子四十四歲子夏問巧笑

倩兮美目盼兮素以為絢兮何謂也

馬融曰倩笑貌盼動目貌絢文貌此

上二句在衛風碩人之
二章其下一句逸詩

子曰繪事後素

鄭玄曰繪畫文也凡畫績先布

衆色然後以素分布其間以成其文喻美女雖有倩盼美質亦須禮以成也

曰禮後乎

何晏曰孔

言繪事後素子夏聞而解知以素喻禮故曰禮後乎

孔子曰商始可與言詩已矣

包曰能發明我意可與言詩矣

子貢問師與商孰賢子曰師也過商也

不及

孔安國曰言俱不得中

然則師愈與曰過猶不及子謂子夏

曰汝為君子儒無為小人儒

何晏曰君子之儒將以明道小人為儒則矜其名

孔子既沒子夏居西河教授為魏文侯師其子死哭之

失明

顓孫師陳人字子張少孔子四十八歲子張問

干祿

鄭玄曰干求也祿祿位也

孔子曰多聞闕疑慎言其餘則寡尤

包氏曰尤過也疑則闕之其

多見闕殆慎行其餘則寡

悔

包氏曰殆危也所見危者闕而不行則少悔

言寡尤行寡悔祿在其中矣

鄭玄曰言行如此雖不得祿得祿之道

他日從在陳蔡間困問行孔子曰

言忠信行篤敬雖蠻貊之國行也言不忠信行不篤敬

雖州里行乎哉

鄭玄曰二千五百家為州五家為隣五隣為里行乎哉言不可行

立則

見其參于前也在輿則見其倚于衡夫然後行

包氏曰衡軛也

言思念忠信立則常相見參然在前在輿則若倚于車軛

子張書諸紳

孔安國曰紳大帶也子

張問士何如斯可謂之達矣孔子曰何哉爾所謂達者

子張對曰在國必聞在家必聞

鄭玄曰言士之所
在皆能有名譽

孔子

曰是聞也非達也夫達者質直而好義察言而觀色慮

以下人

馬融曰常有謙退之志察言語觀
色知具所欲其念慮常欲下于人

在國及家

必達

馬融曰謙尊而
光卑而不可踰

夫聞也者色取仁而行違居之不

疑

馬融曰此言佞人也佞人假仁者之
色行之則違安居其偽而不自疑

在國及家必聞

馬融曰佞
人黨多

曾參南武城人字子輿少孔子四十六歲

孔子以為能通孝道故授之業作孝經死于魯澹臺

滅明

包氏曰澹臺姓滅明名

武城人字子羽少孔子三十九歲狀

貌甚惡欲事孔子孔子以為材薄既已受業退而修行

行不由徑非公事不見卿大夫

包氏曰言其公且方

南游至江從弟

子三百人設取予去就名施乎諸侯孔子聞之曰吾以言取人失之宰予以貌取人失之子羽 宓不齊字子

賤

孔安國曰魯人

少孔子四十九歲孔子謂子賤君子哉魯無

君子斯焉取斯

包氏曰如魯無君子子賤安得此行而學

子賤為單父宰反

命于孔子曰此國有賢不齊者五人教不齊所以治者

孔子曰惜哉不齊所治者小所治者大則庶幾矣原

憲字子思

鄭玄曰魯人

子思問恥孔子曰國有道穀

孔安國曰穀祿

也邦有道常食祿

國無道穀恥也

孔安國曰君無道而在其朝食其祿是恥辱也

子思

曰克伐怨欲不行焉可以為仁乎

馬融曰克好勝人也伐自伐其功怨忌也

欲貪也

孔子曰可以為難矣仁則吾弗知也

鄭玄曰四者行之難未足

以為

孔子卒原憲亡在草澤中子貢相衛而結駟連騎

排藜藿入窮閭過謝原憲憲攝敝衣冠見子貢子貢恥

之曰夫子豈病乎原憲曰吾聞之無財者謂之貧學道

而不能行者謂之病若憲貧也非病也子貢慙不憚而

去終身恥其言之過也 公冶長齊人字子長孔子曰

長可妻也雖在累紲之中

孔安國曰累黑索也紲轡也所以拘罪人

非其罪

也以其子妻之

張華曰公冶長墓在城陽姑幕城東南五里所墓極高

南宮括

字子容

孔安國曰容魯人

問孔子曰羿善射奡盪舟

孔安國曰羿有窮之

君篡夏后位其徒寒捉殺之因其室而生

俱不得其死

然禹稷躬稼而有天下孔子弗答

馬融曰禹盡力于溝洫稷播百穀故曰躬

稼也禹及其身稷及後世皆王括意

容出孔子曰君子

哉若人上德哉若人

孔安國曰賤不義而貴德故曰君子

國有道不廢

孔安

國曰不廢言見用

國無道免於刑戮三復白珪之玷

孔安國曰詩云白珪

之玷尚可磨也斯言之玷不可為也南容讀詩至此三反之是其心敬慎于言

以其兄之子妻

之公皙哀字季次

孔子家語云蔡人

孔子曰天下無行多為

家臣仕於都唯季次未嘗仕

曾蒧

音點字皙孔安國曰皙曾參父

侍孔子孔子曰言爾志蒧曰春服既成冠者五六人童

子六七人浴乎沂風乎舞雩詠而歸

徐廣曰一作饋駟案包氏曰暮春者

季春三月也春服既成衣單袷之時我欲得冠者五六人童子六七人浴于沂水之上風涼於舞雩之下歌詠

先王之道歸孔子喟爾嘆曰吾與歲也周氏曰善歲之獨知時也

顏無繇音遙字路路者顏回父父子嘗各異時事孔子顏

回死顏路貧請孔子車以葬孔安國曰賣以作槨孔子曰材不材

亦各言其子也鯉也死有棺而無槨吾不徒行以為之

槨以吾從大夫之後不可以徒行孔安國曰鯉孔子子伯魚孔子時為大夫

言從大夫之後不可徒行謙辭也商瞿魯人字子木少孔子二十九

歲孔子傳易於瞿瞿傳楚人馯徐廣曰音寒臂子弘弘傳江東

人矯矯又音橋子庸疵自移反疵傳燕人周子家豎豎傳淳于

人光子乘羽羽傳齊人田子莊何何傳東武人

徐廣曰
屬琅邪

王子中同同傳菑川人楊何何元朔中以治易為漢中

大夫

高柴字子羔

鄭玄曰
衛人

少孔子三十歲子羔長不

盈五尺受業孔子孔子以為愚子路使子羔為費郈宰

孔子曰賊夫人之子

包氏曰子羔學未就習
而使為政所以賊害人

子路曰有

民人焉有社稷焉何必讀書然後為學

孔安國曰言治
人事神于是而

習亦學也孔子曰是故惡夫佞者

孔安國曰疾其以給應
遂已非而不知窮也

漆雕開字子開

鄭玄曰
魯人也

孔子使開仕對曰吾斯之未能

信

孔安國曰仕進之道未能信者未能究習

孔子說

鄭玄曰善其志道深

公伯僚字

子周

馬融曰魯人

周愬子路於季孫子服景伯以告孔子曰

夫子固有惑志

孔安國曰季孫信譖恚子路也

僚也吾力猶能肆諸市

朝

鄭玄曰吾勢猶能辯子路之無罪於季孫使人誅僚而肆之也有罪既刑陳其尸曰肆

孔子曰

道之將行命也道之將廢命也公伯僚其如命何司

馬耕字子牛

孔安國曰宋人

牛多言而躁問仁於孔子孔子曰

仁者其言也訥

孔安國曰訥難也

曰其言也訥斯可謂之仁乎

子曰為之難言之得無訥乎

孔安國曰行仁難言仁亦不得不難也

問君

子子曰君子不憂不懼

孔安國曰牛兄桓魋將為亂牛自宋來學常憂懼故孔子解之

也曰不憂不懼斯可謂之君子乎子曰內省不疚夫何

憂何懼

包氏曰疚病自省無罪惡無可憂懼

樊須字子遲

鄭玄曰齊人

少孔子

三十六歲樊遲請學稼孔子曰吾不如老農請學圃曰

吾不如老圃

馬融曰樹五穀曰稼樹菜蔬曰圃

樊遲出孔子曰小人哉

樊須也上好禮則民莫敢不敬上好義則民莫敢不服

上好信則民莫敢不用情

孔安國曰情實也言民化上各以實應

夫如是

則四方之民襁負其子而至矣焉用稼

包氏曰禮義與信足以成德何

用學校以教民乎
負子之器曰襁

樊遲問仁子曰愛人問智曰知人

有若

鄭玄曰魯人

少孔子四十三歲有若曰禮之用和為貴

先王之道斯為美小大由之有所不行知和而和不以

禮節之亦不可行也

馬融曰人知禮貴和而每事從信和不以禮為節亦不可以行之信

近於義言可復也

何晏曰復猶覆也義不必信信非義也以其言可覆故曰近義恭近

於禮遠耻辱也

何晏曰恭不合禮非禮也以其能遠耻辱故曰近禮

因不失其親

亦可宗也

孔安國曰因親也言所親不失其親亦可宗敬

孔子既沒弟子思慕

有若狀似孔子弟子相與共立為師師之如夫子時也

他日弟子進問曰昔夫子當行使弟子持雨具已而果

雨弟子問曰夫子何以知之夫子曰詩不云乎月離于

畢俾滂沱矣

毛傳曰畢濁也月離陰星則雨

昨暮月不宿畢乎他日月

宿畢竟不雨商瞿年長無子其母為取室孔子使之齊

瞿母請之孔子曰無憂瞿年四十後當有五丈夫子

五男

也己而果然敢問夫子何以知此有若默然無以應弟

子起曰有子避之此非子之座也公西赤字子華

鄭玄

曰魯人

少孔子四十二歲子華使於齊冉有為其母請粟

孔子曰與之釜

馬融曰六斗四升曰釜

請益曰與之庾

包氏曰十六斗曰庾

冉子與之粟五秉

馬融曰十六斛曰秉五秉合八十斛

孔子曰赤之適齊

也乘肥馬衣輕裘吾聞君子周急不繼富

鄭玄曰非冉有與之太多

巫馬施字子旗

鄭玄曰魯人

少孔子三十歲陳司敗

孔安國曰

司敗官名陳大夫也

問孔子曰魯昭公知禮乎孔子曰知禮退而

揖巫馬旗曰吾聞君子不黨君子亦黨乎魯君娶吳女

為夫人命之為孟子孟子姓姬諱稱同姓故謂之孟子魯君

而知禮孰不知禮

孔安國曰相助匿非曰黨禮同姓不婚而君娶之當稱吳姬諱曰孟子

施以告孔子孔子曰丘也幸苟有過人必知之臣不可

言君親之惡為諱者禮也

孔安國曰以司敗之言告也諱國惡禮也聖人之道弘故

受之為過也

梁鱣

一作鯉

字叔魚少孔子二十九歲

孔子家語曰齊

人

顏幸字子柳少孔子四十六歲

鄭玄曰魯人也

冉孺字

子魯

一作曾

少孔子五十歲

家語曰魯人

曹卹字子循少孔

子五十歲

伯虔字子析少孔子五十歲

公孫龍字

子石少孔子五十三歲

鄭玄曰楚人

自子石已右三十五人

頗有年名及受業聞見于書傳其四十有二人無年及

不見書傳者紀于左

冉季字子產

鄭玄曰魯人

公祖句

茲字子之

秦祖字子南

鄭玄曰秦人

漆雕哆

亦者反

字子

斂

鄭玄曰魯人

顏高字子驕

漆雕徒父

壤

四馬

赤字子

徒

鄭玄曰秦人

商澤

家語曰字子秀

石作蜀字子明

任不齊

字選

鄭玄曰楚人

公良孺字子正

鄭玄曰陳人賢而有勇

后處字

子里

鄭玄曰齊人

秦冉字開

公夏首字乘

鄭玄曰魯人

奚

容箴字子旨

公肩定字子中

鄭玄曰魯人或曰晉人

顏祖字

襄

鄒單

字子家

徐廣曰一云鄒單鉅鹿有鄒縣太原有鄒縣

句井

疆

鄭玄曰
衛人

罕父黑字子索

家語曰罕父黑字索

秦商字子丕

鄭玄曰
楚人

申黨字周

顏之僕字叔

鄭玄曰
魯人

榮旂

字子祺

縣成字子祺

鄭玄曰
魯人

左人郢字行

鄭玄曰
魯人

燕伋字思

鄭國字子徒

秦非字子之

鄭玄曰
魯人

施之常字子恒

顏噲字子聲

鄭玄曰
魯人

步叔乘字子

車

鄭玄曰
齊人

原亢籍

家語曰名
亢字籍

樂欬字子聲

廉絜

字庸

鄭玄曰
衛人

叔仲會字子期

鄭玄曰
魯人

顏何字冉

鄭玄

曰魯人

狄黑字哲

邾巽字子敝

鄭玄曰
魯人

孔忠

家語曰忠

字子幾孔
子兄之子

公西與如字子上 公西蒧字子上

鄭玄
曰魯

人

太史公曰學者多稱七十子之徒譽者或過其實毀者
或損其真鈞之未覩厥容貌則論言弟子籍出孔氏古
文近是余以弟子名姓文字悉取論語弟子問并次為
篇疑者闕焉

史記集解卷六十七

欽定四庫全書

史記集解卷六十八

宋 裴駰 撰

史記六十八

商君列傳第八

商君者衛之諸庶孽公子也名鞅姓公孫氏其祖本姬姓也鞅少好刑名之學事魏相公叔痤為中庶子公叔痤知其賢未及進會痤病魏惠王親往問病曰公叔病有如不可諱將

奈社稷何公叔曰瘞之中庶子公孫鞅年雖少有奇才願王
舉國而聽之王嘿然王且去瘞屏人言曰王即不聽用鞅必
殺之無令出境王許諾而去公叔瘞召鞅謝曰今者王問可
以為相者我言若王色不許我我方先君後臣因謂王即弗
用鞅當殺之王許我汝可疾去矣且見禽鞅曰彼王不能用
君之言任臣又安能用君之言殺臣乎卒不去惠王既去而
謂左右曰公叔病甚悲乎欲令寡人以國聽公孫鞅也豈不
悖哉公叔既死公孫鞅聞秦孝公下令國中求賢者將修繆

公之業東復侵地迺遂西入秦因孝公寵臣景監以求見孝公孝公既見衛鞅語事良久孝公時時睡弗聽罷而孝公怒景監曰子之客妄人耳安足用邪景監以讓衛鞅衛鞅曰吾說公以帝道其志不開悟矣後五日復求見鞅復見孝公益愈然而未中旨罷而孝公復讓景監景監亦讓鞅鞅曰吾說公以王道而未入也請復見鞅復見孝公孝公善之而未用也罷而去孝公謂景監曰汝客善可與語矣鞅曰吾說公以霸道其意欲用之矣誠復見我我知之矣衛

鞅復見孝公公與語不自知鄰之前于席也語數日不厭景
監曰子何以中吾君吾君之驩甚也鞅曰吾說君以帝
王之道比三代而君曰久遠吾不能待且賢君者各及其
身顯名天下安能邑邑待數十百年以成帝王乎故吾以
強國之術說君君大說之耳然亦難以比德于殷周矣孝
公既用衛鞅鞅欲變法恐天子議已衛鞅曰疑行無名疑
事無功且夫有高人之行而固見非于世有獨知之慮者
必見教于民愚者闇于成事知者見于未萌民不可與慮

始而可與樂成論至德者不和于俗成大功者不謀于衆是以聖人苟可以強國不法其故苟可以利民不循其禮孝公曰善甘龍曰不然聖人不易民而教知者不變法而治因民而教不勞而成功緣法而治者吏習而民安之衛鞅曰龍之所言世俗之言也常人安于故俗學者溺于所聞以此兩者居官守法可也非所與論于法之外也三代不同禮而王五霸不同法而霸智者作法愚者制焉賢者更禮不肖者拘焉杜摯曰利不百不

變法功不十不易器法古無過循禮無邪衛鞅曰治世
不一道便國不法古故湯武不循古而王夏殷不易禮
而亡反古者不可非而循禮者不足多孝公曰善以衛
鞅為左庶長卒定變法之令令民為什伍而相收司連
坐不告姦者腰斬告姦者與斬敵首同賞匿姦者與降
敵同罰民有二男以上不分異者倍其賦有軍功者各
以率律音受上爵為私鬪者各以輕重被刑大小僇力本
業耕織致粟帛多者復其身事末利及怠而貧者舉以

為收孥宗室非有軍功論不得為屬籍明尊卑爵秩等
級各以差次名田宅臣妾衣服以家次有功者顯榮無
功者雖富無所芬華令既具未布恐民之不信已乃立
三丈之木于國都市南門募民有能徙置北門者予十
金民怪之莫敢徙復曰能徙者予五十金有一人徙之
輒予五十金以明不欺卒下令行于民暮年秦民之
國都言初令之不便者以千數于是太子犯法衛鞅曰
法之不行自上犯之將法太子太子君嗣也不可施刑

刑其傳公子虔黥其師公孫賈明日秦人皆趨令行之
十年秦民大說道不拾遺山無盜賊家給人足民勇于
公戰怯于私鬪鄉邑大治秦民初言令不便者有來言
令便者衛鞅曰此皆亂化之民也盡遷之于邊城其後
民莫敢議令于是以鞅為大良造將兵圍魏安邑降之
居三年作為築冀闕宮庭于咸陽秦自雍徙都之而令
民父子兄弟同室內息者為禁而集小都鄉邑聚為縣
置令丞凡三十一縣為田開阡陌封疆而賦稅平平斗

桶

鄭玄曰昔勇
今之斛也

權衡丈行之四年公子虔復犯約劓之

居五年秦人富彊天子致胙于孝公諸侯畢賀其明年
齊敗魏兵于馬陵虜其太子申殺將軍龐涓其明年衛
鞅說孝公曰秦之與魏譬若人之有腹心疾非魏并秦
秦即并魏何者魏居嶺阨之西都安邑與秦界河而獨
擅山東之利利則西侵秦病則東收地今以君之賢聖
國賴以盛而魏往年大破于齊諸侯畔之可因此時伐
魏魏不支秦必東徙東徙秦據河山之固東鄉以制諸

侯此帝王之業也孝公以為然使衛鞅將而伐魏魏使公子卬將而擊之軍既相距衛鞅遺魏將公子卬書曰吾始與公子驩今俱為兩國將不忍相攻可與公子面相見盟樂飲而罷兵以安秦魏魏公子卬以為然會盟已飲而衛鞅伏甲士而襲虜魏公子卬因攻其軍盡破之以歸秦魏惠王兵數破于齊秦國內空日以削恐乃使使割河西之地獻于秦以和而魏遂去安邑徙都大梁梁惠王曰寡人恨不用公叔痤之言也衛鞅既破魏

還秦封之于商

徐廣曰弘農商縣也

十五邑號為商君商君相秦

十年宗室貴戚多怨望者趙良見商君商君曰鞅之得見也從孟蘭皋今鞅請得交可乎趙良曰僕弗敢願也孔丘有言曰推賢而戴者進聚不肖而王者退僕不肖故不敢受命僕聞之曰非其位而居之曰貪位非其名而有之曰貪名僕聽君之義則恐僕貪位貪名也故不敢聞命商君曰子不說吾治秦與趙良曰反聽之謂聰內視之謂明自勝之謂彊虞舜有言曰自卑也尚矣君

不若道虞舜之道無為問僕矣商君曰始秦戎翟之教
父子無別同室而居今我更制其教而為其男女之別
大築冀闕營如魯衛矣子觀我治秦也孰與五穀大夫
賢趙良曰千羊之皮不如一狐之掖千人之諾諾不如
一士之諤諤武王諤諤以昌殷紂墨墨以亡君若不非
武王乎則僕請終日正言而無誅可乎商君曰語有之
矣貌言華也至言實也苦言藥也甘言疾也夫子果肯
終日正言鞅之樂也鞅將事子子又何辭焉趙良曰夫

五穀大夫荆之鄙人也聞秦繆公之賢而願望見行而無資自粥于秦客被褐食牛期年繆公知之舉之牛口之下而加之百姓之上秦國莫敢望焉相秦六七年而東伐鄭三置晉國之君一救荆國之禍發教封內而已

人致貢施德諸侯而八戎來服由余聞之歎關請見

韋昭

曰歎叩也

五穀大夫之相秦也勞不坐乘暑不張蓋行于國

中不從車乘不操干戈功名藏于府庫德行施于後世五穀大夫死秦國男女流涕童子不歌謠舂者不相杵

鄭玄曰相謂送杵此五殺大夫之德也今君之見秦王

聲以聲音自勸也

也因嬖人景監以為主非所以為名也相秦不以百姓
為事而大築冀闕非所以為功也刑黥太子之師傅殘
傷民以駿刑是積怨畜禍也教之化民也深于命民之
効上也捷于令今君又左建外易非所以為教也君又
南面也而稱寡人曰繩秦之貴公子詩曰相鼠有體人
而無禮人而無禮何不遄死以詩觀之非所以為壽也
公子虔杜門不出已八年矣君又殺祝懽而黥公孫賈

詩曰得人者興失人者崩此數事者非所以得人也君

之出也後車十數從車載甲多力而駢脅者為驂乘持

矛而操闔

所及反

戟者

徐廣曰一作祭屈盧之勁矛于將之雄戰

旁車而趨此

一物不具君固不出書曰恃德者昌恃力者亡君之危

若朝露尚將欲延年益壽乎則何不歸十五都灌園于

鄙勸秦王顯巖穴之士養老存孤敬父兄序有功尊有

德可以少安君尚將貪商于之富寵秦國之教畜百姓

之怨秦王一旦捐賓客而不立朝秦國之所以收君者

豈其微哉亡可翹足而待商君弗從後五月而秦孝公卒太子立公子虔之徒告商君欲反發吏捕商君商君亡至關下欲舍客舍客人不知其是商君也曰商君之法舍人無驗者坐之商君喟然歎曰嗟乎為法之敝一至此哉去之魏魏人怨其欺公子卬而破魏師弗受商君欲之他國魏人曰商君秦之賊秦彊而賊入魏弗歸不可遂內秦商君既復入秦走商邑與其徒屬發邑兵出擊鄭

徐廣曰京兆鄭縣也

秦發兵攻商君殺之于鄭黽池

徐廣曰黽

或作彭 秦惠王裂商君以徇曰莫如商鞅反者遂滅商君之家

太史公曰商君其天資刻薄人也跡其欲干孝公以帝王術挾持浮說非其質矣且所因由嬖臣及得用刑公子虔欺魏將卬不師趙良之言亦足發明商君之少恩矣余嘗讀商君開塞耕戰書與其人行事相類卒受惡

名于秦有以也夫

新序論曰秦孝公保嶺函之固以廣雍州之地東并河西北收上郡國富

兵強長雄諸侯周室歸籍四方來賀為戰國霸君秦遂以強六世而并諸侯亦皆商君之謀也夫商君極身無二慮盡公不顧私使民內急耕織之業以富國外重戰伐之賞以勸戎士發令必行內不阿貴寵外不偏疎遠

是以令行而禁止法出而姦息故雖書云無偏無黨詩云周道如砥其直如矢司馬法之勵戎士周后稷之勸農業無以易此此所以并諸侯也故孫卿曰四世有勝非幸也數也然無信諸侯畏而不親夫霸君若齊桓晉文者桓不倍柯之盟文不負原之期而諸侯畏其強而親信之存亡繼絕四方歸之此管仲舅犯之謀也今商君倍公子卬之舊恩棄交魏之明信詐取三軍之衆故諸侯畏其強而不親信也籍使孝公過齊桓晉文得諸侯之統將合諸侯之君驅天下之兵以伐秦秦則亡矣天下無桓文之君故秦得以兼諸侯衛鞅始自以為知霸王之德原其事不喻也昔周召施善政及其死也後世思之敵帝甘棠之詩是也嘗舍于樹下後世思其德不忍代其樹況害其身乎管仲奪伯氏邑三百戶無怨言今衛鞅內刺刀鋸之刑外深鈇鉞之誅步過六尺者有罰棄灰于道者被刑一日臨渭而論囚七百餘人渭水盡赤號哭之聲動于天地畜怨積仇比于邱山所逃

莫之隱所歸莫之容身死車裂滅族無姓其去霸王之
佐亦遠矣然惠王殺之亦非也可輔而用也使衛鞅施
寬平之法加之以恩申之
以信庶幾霸者之佐哉

史記集解卷六十八